

Eddie Green
A Good Man is Hard to Find

Doris Honig

Fraache

Kann mir ämal ein Mensch soogn,
mid was ich des verdäind habb?
Blouß anner!
Warum habb ausgerechnd ich widder su än Lumbers däwischd?
Wär i doch nie af'd Weld kummer,
oder besser: der ned!
Äs Gligg schaud blouß nu seldn bei mir rei ...

Abber, wou finds'dn heid scho nu in Richdichn?
Immer gräich ich die Gläifl!
Wenn i nou endli ämal maan: Des isser, -
nou derwisch i'n doodsicher mid
su äm dähergloffnä Brideschlä
Die Wänd kennd i nauf!
Dermeern mechd in!

Drum, meine Damen,
wennä än Mo derham habbd,
nach dem si ä jede alle zeä Finger oschleggn deed
nou dend nern eich fei ja schäi haldn:
Lesd nern jedn Wunsch vo die Augn ab,
zaichd nern, dass blouß ihn gibbd fier eich.
Hubfd, wennä amal schnaldzd,
Gebbd nern sein Bressag und sei Seidlä Bier,
lassd nern die Schbordschau sehng –
wall, ihr wissd ja:

Wou finds'dn heid scho nu in Richdichn?